



Broj: 01- /24
Datum: 10.12.2024.godine

ZAPISNIK

1. Sjednica Privrednog savjeta Općine Travnik 2.

Na sastanku održanom 10.12.2024. godine sa početkom u 13:00 sati u kabinetu načelnika Općine Travnik prisustvuju:

1. Kenan Dautović, načelnik Općine Travnik
2. Amir Vrhovac, savjetnik načelnika,
3. Azem Ejubović, šef Službe za razvoj, privredu I vanprivredu,
4. Adnan Baltić, član
5. Fuad Softić, član
6. Amer Halep, član
7. Sanjin Kotlica (predstavnik kompanije Pharmamed)
8. Vahid Skrobo, član
9. Goran Šarić, član
10. Sandra Vukadin, član

Iz opravdanih razloga sastanku nisu prisustvovali članovi Savjeta Sajra Medanhodžić-Vuk I Numo Haseljić.

1. Na početku sjednice usvojen je Dnevni red koji je predložen u Pozivu a kako slijedi:
 1. Konstituisanje privrednog savjeta
 2. Nacrt Budžeta Općine Travnik za 2025. Godinu,
 3. Business Friendly Certificate (BFC)
 4. Razno.

Dnevni red je usvojen jednoglasno.

2. Nakon poželjne dobrodošlice svim članovima Privrednog savjeta riječ je uzeo načelnik Općine Travnik, dr.sci. Kenan Dautović te zaželio uspješan rad Savjeta u narednoj godini. Načelnik Dautović je podsjetio prisutne na aktivnosti koje je Općina Travnik realizovala u predhodnom periodu te još jednom izrazio važnost za postojanjem funkcionalnog Privrednog savjeta kao tijela koje će koordinirati djelovanje Općine i privatnog sektora.

3. Nakon uvodnih pozdravnih obraćanja svih prisutnih, prešlo se na 2. Tačku dnevnog reda, nacrt Budžeta Općine Travnik za 2025. Godinu. Načelnik Dautović upoznao je prisutne članove da je Nacrt Budžeta izrađen te stavljen u procedure, te se očekuje Javna rasprava po pitanju istog. Između ostalog naglasio je programe, projekte I aktivnosti od privrednog značaja koji su planirani u novom Budžetu.

To su programi podrške poduzetništvu, program subvencija za poljoprivredu, izrada prostorno planske dokumentacije za Poslovne zone Dolac Polje I Bazimice itd.

4. Članovi Privrednog savjeta izrazili su načelnu podršku Nacrtu Budžeta za 2025. Godinu koji su ocijenili kao stabilizirajući, te izrazili nadu u strateška ulaganja u infrastrukturu koja je potrebna privredi kako bi se razvijala u budućnosti.
5. Zamjenik koordinatora za BFC certificiranje Općine Travnik upoznao je članove Privrednog savjeta sa sadržajem I procesom BFC certificiranja koje provodi Općina Travnik u cilju poboljšanja administrativnih I drugih uslova za bolje poslovanje domaće privrede I privlačenje stranih investicija. Standardi obuhvaćeni BFC-om I njihova implementacija od strane Općine Travnik jasno ukazuju na opredjeljenost Općine u cilju podrške razvoju privrede. Članovi savjeta pozdravili su process BFC certificiranja kao dobar način za dostizanje određenih standarda I pojednostavljivanje procedura, te otklanjanje prepreka za bolju saradnju javnog I privatnog sektora u cilju razvoja privrede.
6. Član Savjeta, gđin. Adnan Baltić skrenuo je pažnju prisutnim članovima kao I predstavnicima Općine da je potrebno raditi na ubrzanju procedura I uspostavljanje novog načina komuniciranja Općine I njenih uposlenih sa privrednicima. Naglasio je da privrednici često imaju problem “zapetljavanja” u administrativne procedure. Predložio je da se oformi posebna kancelarija ili zaduži poseban službenik koji će pratiti privrednike I biti im na usluzi kako bi se skratile administrativne procedure I ispoštovali upravni rokovi, jer je jako važno da privrednici dobiju potrebne dokumente I dozvole na vrijeme kako se investicije mogu realizirati u planiranim rokovima.
7. Raspravi pod tačkom “Razno” pridružio se I gospodin Fuad Softić koji se složio sa predhodnom konstatacijom te naglasio da je posebno važno pojednostaviti I ubrzati procedure u vezi izvršavanja finansijskih obaveza Općine prema izvođačima radova posebno iz građevinskog sektora, jer odugovlačenje sa plaćanje nastalih obaveza iz tendera I javnih nabavki stvara nesigurnost u poslovanju I finansijske probleme za mnoge građevinske kompanije. Gospodin Amer Halep također se saglasio sa gđin. Softićem u vezi gore navedenog te problematizirao pitanje izdavanja građevinskih I urbanističkih dozvola, jer se pojavljuje problem da općinska građevinska inspekcija investitorima stvara prepreke I probleme za pitanja koja su suštinski nadležnost službe te se zbog kašnjenja u izdavanju potrebnih dozvola dešava zaustavljanje radova, kašnjenje u rokovima I drugi praktični problemi koji nisu u nadležnosti izvođača radova ili investitora.
8. Gđin. Vahid Skrobo pohvalio je osnivanje Savjeta I mogućnost direktne komunikacije I problematiziranje spornih procedura I programa, te prisutne upoznao sa primjerom dobre prakse saradnje Općine I privatnog sektora, konkretno u procesu certificiranja I zaštite travničkog/vlašičkog sira.
9. Zaključeno je da će Služna za razvoj, privredu I vanprivredu načelniku Općine predložiti izmjenu Pravilnika o sistematizaciji radnih mjesta kako bi se izašlo u susret

privrednicima za ubrzanje procedura kroz kreiranje svojevrsnog "one stop shop" Sistema.

10. Zaključeno je da se provrede anketa o poslovanju i problemima poslovanja za sve firme koje posluju na području Općine Travnik kako bi se dobio širi konsenzus i mišljenje o problemima koji pritišću privredu.

Travnik, 10.12.2024. godine

ZAPISNIK SASTAVIO:

